

## ÁKVÖRÐUN EVRÓPUÞINGSINS OG RÁÐSINS nr. 676/2002/EB

2005/EES/27/27

frá 7. mars 2002

**um regluramma um stefnu Evrópubandalagsins varðandi tíðniróf fyrir þráðlausar sendingar (ákvörðun um tíðniróf fyrir þráðlausar sendingar) (\*)**

EVROPUÞINGIÐ OG RÁÐ EVRÓPUSAMBANDSINS HAFNA,

með hliðsjón af stofnsáttmála Evrópubandalagsins, einkum 95. gr.,

með hliðsjón af tillögu framkvæmdastjórnarinnar <sup>(1)</sup>,með hliðsjón af álitum efnahags- og félagsmálanefndarinnar <sup>(2)</sup>,í samræmi við málsmeðferðina sem mælt er fyrir um í 251. gr. sáttmálans <sup>(3)</sup>,

og að teknu tilliti til eftirfarandi:

- 1) Hinn 10. nóvember 1999 lagði framkvæmdastjórnin orðsendingu fyrir Evrópuþingið, ráðið, efnahags- og félagsmálanefndina og svæðanefndina þar sem lögð voru til næstu skref með tilliti til stefnu varðandi tíðniróf fyrir þráðlausar sendingar á grundvelli niðurstaðna samráðs við almenning um grænbókina um tíðniróf fyrir þráðlausar sendingar í tengslum við stefnu Evrópubandalagsins að því er varðar fjarskipti, útvarp, flutning og rannsóknir og þróun. Í ályktun frá 18. maí 2000 <sup>(4)</sup> fagnaði Evrópuþingið þessari orðsendingu. Leggja skal áherslu á að frekari samhæfing á stefnu bandalagsins varðandi tíðniróf fyrir þráðlausar sendingar sé æskileg í ákveðnum mæli að því er varðar þjónustu og notkunarvið, einkum þjónustu og notkunarvið með útbreiðslu innan bandalagsins eða Evrópu, og að nauðsynlegt sé að tryggja að aðildarríkin láti tiltekna ákvarðanir Samtaka póst- og símastjórna í Evrópu (CEPT) gilda með þeim hætti sem krafist er.
- 2) Nauðsynlegt er því að móta stefnu og lagaramma innan bandalagsins í því skyni að tryggja samræmdar leiðir við stefnumótun og, eftir því sem við á, samhæfð skilyrði með tilliti til aðgengis og skilvirkrar notkunar á tíðnirófi fyrir þráðlausar sendingar sem nauðsynleg eru til að koma á innri markaði og fyrir starfsemi hans á sviðum sem stefna bandalagsins tekur til, svo sem rafrænna fjarskipta, flutninga og

rannsókna og þróunar. Samræma skal stefnumótun, að því er varðar notkun tíðnirófs fyrir þráðlausar sendingar, og samhæfa hana, eftir því sem við á, á vettvangi bandalagsins í því skyni að uppfylla markmiðin með stefnu bandalagsins á skilvirkan hátt. Samræming og samhæfing innan bandalagsins getur í ákveðnum tilvikum einnig hjálpað til við að ná fram samhæfingu og samræmingu á notkun tíðnirófs fyrir þráðlausar sendingar á heimsvísu. Um leið er hægt að veita viðeigandi tæknilegan stuðning á innlendum vettvangi.

- 3) Stefna bandalagsins varðandi tíðniróf fyrir þráðlausar sendingar skal stuðla að tjáningarfrelsi, þ.m.t. skoðanarfrelsi og frelsi til að taka á móti og dreifa upplýsingum og hugmyndum óháð landamærum sem og frelsi og margbreytileika fjölmiðla.
- 4) Þessi ákvörðun grundvallast á þeirri meginreglu að þar sem Evrópuþingið og ráðið eru sammála um stefnu bandalagsins, sem er háð tíðnirófi fyrir þráðlausar sendingar, skuli nota nefndarmeðferð við samþykkt meðfylgjandi tæknilegra framkvæmdarráðstafana. Tæknilegar framkvæmdarráðstafanir, skulu sérstaklega taka til samhæfðra skilyrða með tilliti til aðgengis og skilvirkrar notkunar tíðnirófs fyrir þráðlausar sendingar, svo og aðgengis að upplýsingum sem varða notkun tíðnirófs fyrir þráðlausar sendingar. Ráðstafanirnar, sem eru nauðsynlegar fyrir framkvæmd þessarar ákvörðunar, skulu samþykktar í samræmi við ákvörðun ráðsins 1999/468/EB frá 28. júní 1999 um reglur um meðferð framkvæmdavalds sem framkvæmdastjórninni er falið <sup>(5)</sup>.
- 5) Evrópuþinginu og ráðinu ber að samþykka öll ný stefnufrumkvæði bandalagsins sem háð eru tíðnirófi fyrir þráðlausar sendingar, eftir því sem við á, á grundvelli tillögu framkvæmdastjórnarinnar. Með fyrirvara um rétt bandalagsins til frumkvæðis skal þessi tillaga m.a. fela í sér upplýsingar um áhrif fyrirhugaðrar stefnu á notendahópa tíðnirófs sem fyrir eru, sem og vísbendingar um hvers kyns almenna endurskiptingu á tíðni fyrir þráðlausar sendingar þessi nýja stefna hefði í för með sér.
- 6) Við þróun og samþykkt á tæknilegum framkvæmdarráðstöfunum og með það í huga að stuðla að framsetningu, undirbúningi og framkvæmd stefnu bandalagsins varðandi tíðniróf fyrir þráðlausar

(\*) Þessi EB-gerð birtist í Stjtið. EB L 108, 24.4.2002, bls. 1. Hennar var getið í ákvörðun sameiginlegu EES-nefndarinnar nr. 79/2003 frá 20. júní 2003 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbæti við Stjórnartíðindi Evrópusambandsins* nr. 51, 9.10.2003, bls. 18.

<sup>(1)</sup> Stjtið. EB C 365 E, 19.12.2000, bls. 256 og Stjtið. EB C 25 E, 29.1.2002, bls. 468.

<sup>(2)</sup> Stjtið. EB C 123, 25.4.2001, bls. 61.

<sup>(3)</sup> Álit Evrópuþingsins frá 5. júlí 2001 (hefur enn ekki verið birt í Stjórnartíðindum EB), sameiginleg afstaða ráðsins frá 16. október 2001 (Stjtið. EB C 9, 11.1.2002, bls. 7) og ákvörðun Evrópuþingsins frá 12. desember 2001 (hefur enn ekki verið birt í Stjórnartíðindum EB). Ákvörðun ráðsins frá 14. febrúar 2002.

<sup>(4)</sup> Stjtið. EB C 59, 23.2.2001, bls. 245.

<sup>(5)</sup> Stjtið. EB L 184, 17.7.1999, bls. 23.

sendingar skal framkvæmdastjórnin njóta aðstoðar nefndar sem skal bera heitið nefndin um tíðniróf fyrir þráðlausar sendingar og vera skipuð fulltrúum aðildarríkjanna undir formennsku fulltrúa framkvæmdastjórnarinnar. Nefndin skal fjalla um tillögur að tæknilegum framkvæmdarráðstöfunum að því er varðar tíðniróf fyrir þráðlausar sendingar. Heimilt er að semja drög að þeim á grundvelli umræðna í nefndinni og kunna þær í ákveðnum tilvikum að krefjast tæknilegrar undirbúningsvinnu af hálfu innlendra yfirvalda sem bera ábyrgð á stjórnun tíðnirófs fyrir þráðlausar sendingar. Ef nefndar meðferð er notuð til að samþykkja tæknilegar framkvæmdarráðstafanir skal nefndin einnig taka tillit til sjónarmiða atvinnugreinarinnar og allra notenda sem hlut eiga að máli, hvort sem er í atvinnuskyni eða ekki, sem og annarra hagsmunaaðila, að því er varðar þróun tækni, markaðarins og reglna sem kann að hafa áhrif á notkun tíðnirófs fyrir þráðlausar sendingar. Notendum tíðnirófs fyrir þráðlausar sendingar skal vera frjálst að leggja fram hvaðeina sem þeir telja nauðsynlegt. Nefndin getur ákveðið að hlýða á málflutning fulltrúa notendahópa tíðnirófs fyrir þráðlausar sendingar á fundum sínum ef nauðsynlegt er til að skýra ástandið á ákveðnu sviði.

- 7) Þar eð nauðsynlegt er að samþykkja samhfingarráðstafanir til framkvæmdar á stefnu bandalagsins, sem ganga lengra en tæknilegar framkvæmdarráðstafanir, getur framkvæmdastjórnin lagt tillögu fyrir Evrópuþingið og ráðið á grundvelli sáttmálsans.
- 8) Stefna varðandi tíðniróf fyrir þráðlausar sendingar getur ekki grundvallast eingöngu á tæknilegum færribreytum heldur verður einnig að taka tillit til efnahagslegra, pólitískra, menningarlegra, heilbrigðis- og félagslegra þátta. Enn fremur mun sífellt aukin eftirspurn eftir takmörkuðu aðgengi að tíðnum fyrir þráðlausar sendingar valda þrýstingi í þá veru að koma til móts við ólíka hagsmuni ýmissa hópa notenda tíðnirófs fyrir þráðlausar sendingar, svo sem á sviði fjarskipta, útvarps, flutninga, löggæslu, hernaðar, svo og innan vísindasamfélagsins. Stefna varðandi tíðniróf fyrir þráðlausar sendingar skal því taka tillit til allra sviða og vega og meta þarfir hvers fyrir sig.
- 9) Þessi ákvörðun skal ekki að hafa áhrif á rétt aðildarríkjanna til að setja takmarkanir sem nauðsynlegar eru vegna allsherjarreglu og almannaöryggis og varnarmála. Ef tæknileg framkvæmdarráðstöfun hefur áhrif m.a. á tíðnibönd fyrir þráðlausar sendingar sem aðildarríki notar eingöngu og með beinum hætti í almannaöryggis- og varnarskyni getur framkvæmdastjórnin, ef aðildarríkið fer fram á það af rökstuddum ástæðum, samþykkt aðlögunartímabil og/eða fyrirkomulag við samnýtingu í því skyni að auðvelda að þessi ráðstöfun komi að fullu til framkvæmda. Að því er þetta snertir geta aðildarríkin einnig tilkynnt framkvæmdastjórninni um innlend tíðnibönd fyrir þráðlausar sendingar sem notuð eru eingöngu og með beinum hætti í almannaöryggis- og varnarskyni.

- 10) Í því skyni að taka tillit til sjónarmiða aðildarríkja, stofnana bandalagsins, atvinnugreina og allra notenda sem hlut eiga að máli, hvort sem er í atvinnuskyni eða ekki, sem og annarra hagsmunaaðila, að því er varðar þróun tækni, markaðarins og reglna sem kann að hafa áhrif á notkun tíðnirófs fyrir þráðlausar sendingar, er framkvæmdastjórninni heimilt að skipuleggja samráð utan ramma þessarar ákvörðunar.
- 11) Tæknileg stjórnun á tíðnirófi fyrir þráðlausar sendingar felur í sér samhfingu og skiptingu tíðnirófs fyrir þráðlausar sendingar. Slík samhfing skal endurspegla þær kröfur sem koma fram í almennum meginreglum um stefnu eins og þær eru skilgreindar á vettvangi bandalagsins. Tæknileg stjórnun tíðnirófs fyrir þráðlausar sendingar tekur hins vegar ekki til málsmeðferðar við úthlutun og leyfisveitingu, né ákvörðunarinnar um hvort nota skuli valaðferðir sem byggjast á samkeppni við úthlutun tíðna fyrir þráðlausar sendingar.
- 12) Með það í huga að samþykkja tæknilegar framkvæmdarráðstafanir, sem fjalla um samhfingu skiptingar á tíðni fyrir þráðlausar sendingar og aðgengi upplýsinga, ber nefndinni að hafa samstarf við sérfræðinga innlendra yfirvalda á sviði tíðnirófs fyrir þráðlausar sendingar sem bera ábyrgð á stjórnun þess. Á grundvelli fenginnar reynslu af málsmeðferð við að fela aðilum verkefni á tilteknum sviðum, t.d. á grundvelli beitingar ákvörðunar Evrópuþingsins og ráðsins nr. 710/97/EB frá 24. mars 1997 um samræmda aðferð við leyfisveitingu á sviði einkafjarskiptajónustu um gervihnött innan bandalagsins <sup>(1)</sup> og ákvörðunar Evrópuþingsins og ráðsins nr. 128/1999/EB frá 14. desember 1998 um að taka upp þriðju kynslóð þráðlausra farstöðva- og fjarskiptakerfa (altæka farstöðvakerfisins (UMTS)) í bandalaginu með samræmdum hætti <sup>(2)</sup>, skal samþykkja tæknilegar framkvæmdarráðstafanir á grundvelli niðurstaðna sem fengist hafa af verkefnum sem Samtökum póst- og símastjórna í Evrópu (CEPT) voru falin. Ef nauðsynlegt er að samþykkja samhfingar ráðstafanir til framkvæmdar stefnu bandalagsins sem falla ekki undir valdsvið Samtaka póst- og símastjórna í Evrópu getur framkvæmdastjórnin samþykkt framkvæmdarráðstafanir með aðstoð nefndarinnar um tíðniróf fyrir þráðlausar sendingar.
- 13) Í Samtökum póst- og símastjórna í Evrópu eru 44 Evrópulönd. Samtökin gera drög að tæknilegum samhfingarráðstöfunum með það að markmiði að samhfæfa notkun tíðnirófs fyrir þráðlausar sendingar út fyrir landamæri bandalagsins sem er sérstaklega mikilvægt fyrir þau aðildarríki þar sem notkun tíðnirófs fyrir þráðlausar sendingar kann að verða fyrir áhrifum frá notkun þeirra ríkja sem eru aðilar að Samtökum póst- og símastjórna í Evrópu sem eru utan Evrópusambandsins. Við ákvarðanir og ráðstafanir,

<sup>(1)</sup> Stjtið. EB L 105, 23.4.1997, bls. 4. Ákvörðuninni var breytt með ákvörðun nr. 1215/2000/EB (Stjtið. EB L 139, 10.6.2000, bls. 1).

<sup>(2)</sup> Stjtið. EB L 17, 22.1.1999, bls. 1.

sem eru gerðar í samræmi við þessa ákvörðun, skal taka tillit til sérstakra aðstæðna aðildarríkja sem liggja að ytri landamærum. Ef nauðsyn ber til ætti framkvæmdastjórninni að vera kleift að gera aðildarríkjum skylt að fara eftir niðurstöðum þeirra verkefna sem Samtökum póst- og símastjórna í Evrópu voru falin og, ef niðurstöður þeirra verkefna liggja ekki fyrir eða teljast ekki ásættanlegar, að grípa til annarra viðeigandi aðgerða. Þetta mun einkum stuðla að samhæfingu notkunar tíðnirófs fyrir þráðlausar sendingar í öllu bandalaginu í samræmi við tilskipun Evrópuþingsins og ráðsins 2002/21/EB frá 7. mars 2002 um sameiginlegan regluramma um rafræn fjarskiptanet og -þjónustu (rammatilskipun) <sup>(1)</sup> og með tilliti til ákvæða tilskipunar Evrópuþingsins og ráðsins 2002/20/EB frá 7. mars 2002 um heimild fyrir rafrænum fjarskiptanetum og -þjónustu (heimildartilskipun) <sup>(2)</sup>.

- 14) Samræmd miðlun viðeigandi upplýsinga til almennings í tæka tíð um skiptingu, aðgengi og notkun tíðnirófs fyrir þráðlausar sendingar innan bandalagsins er grundvallarþáttur að því er varðar fjárfestingar og stefnumótun. Það á einnig við um tækniþróun sem gefur tilefni til nýrrar skiptingar á tíðnirófinu fyrir þráðlausar sendingar og nýjum aðferðum við stjórnun þess og nýrra úthlutunar- aðferða á tíðnum fyrir þráðlausar sendingar. Þróun á langtímaskipulagsþáttum krefst góðs skilnings á áhrifum þess hvernig tækni þróast. Slíkar upplýsingar skulu því gerðar aðgengilegar innan bandalagsins með fyrirvara um vernd viðskipta- og persónuupplýsinga sem eru trúnaðarmál samkvæmt tilskipun Evrópuþingsins og ráðsins 97/66/EB frá 15. desember 1997 um vinnslu persónuupplýsinga og um verndun einkalífs á fjarskiptasviðinu <sup>(3)</sup>. Framkvæmd stefnu varðandi tíðniróf fyrir þráðlausar sendingar, sem liggur þvert á atvinnugreinar, gerir það að verkum að nauðsynlegt er að upplýsingar um allt tíðnirófið fyrir þráðlausar sendingar séu aðgengilegar. Með tilliti til hins almenna tilgangs að samhæfa notkun tíðnirófs fyrir þráðlausar sendingar í bandalaginu og annars staðar í Evrópu er nauðsynlegt að samhæfa aðgengi slíkra upplýsinga um gervalla Evrópu á notendavænan hátt.
- 15) Nauðsynlegt er því að bæta við fyrirliggjandi bandalagskröfur og alþjóðlegar kröfur um birtingu upplýsinga um notkun tíðnirófs fyrir þráðlausar sendingar. Á alþjóðavettvangi er þess einnig krafist í viðmiðunarskjalinu um stjórnsýslureglur, sem hópurinn um grunnfjarskipti samdi um innan ramma Alþjóðaviðskiptastofnunarinnar, að núverandi staða skiptingar í tíðnisvið fyrir þráðlausar sendingar verði gerð öllum aðgengileg. Í tilskipun framkvæmdastjórnarinnar 96/2/EB frá 16. janúar 1996 um breytingu á tilskipun 90/388/EBE að því er varðar farsíma- og einkafjarskipti <sup>(4)</sup> er þess krafist að aðildarríkin birti á hverju ári eða geri aðgengilegt, samkvæmt beiðni,

tíðniskipulag fyrir þráðlausar sendingar ásamt áætlun um framtíðarfjölgun slíkra tíðna, en tilskipunin náði einungis yfir farsíma- og einkafjarskiptaþjónustu. Enn fremur er þess krafist í tilskipun Evrópuþingsins og ráðsins 1999/5/EB frá 9. mars 1999 um fjarskipta- búnað og endabúnað til fjarskipta og gagnkvæma viðurkenningu á samræmi þeirra <sup>(5)</sup>, sem og í tilskipun Evrópuþingsins og ráðsins 98/34/EB frá 22. júní 1998 sem setur reglur um tilhögun upplýsingaskipta á sviði tækniastaðla og reglugerða sem og reglna um þjónustu í upplýsingasamfélaginu <sup>(6)</sup>, að aðildarríkin tilkynni framkvæmdastjórninni um skilfleti, sem þau hafa sett reglur um, í því skyni að meta hvort þeir samræmist lögum bandalagsins.

- 16) Tilskipun 96/2/EB var lögð til grundvallar fyrstu ráðstöfununum sem samþykktar voru af Samtökum póst- og símastjórna í Evrópu, svo sem ákvörðun Evrópunefndarinnar um þráðlaus fjarskipti (ERC/DEC/(97)01) um birtingu innlands tíðniskipulags fyrir þráðlausar sendingar. Nauðsynlegt er að tryggja að lausnir Samtaka póst- og símastjórna í Evrópu endurspegli þær þarfir sem koma fram í stefnu bandalagsins og viðeigandi lagaákvæði verði sett til að þær komi til framkvæmda í bandalaginu. Í því skyni er nauðsynlegt að samþykkja sérstakar ráðstafanir í bandalaginu bæði að því er varðar málsmeðferð og efni.
- 17) Fyrirtæki innan bandalagsins skulu hljóta sanngjarna meðhöndlun án mismununar að því er varðar aðgang að tíðnirófi fyrir þráðlausar sendingar í þriðju löndum. Þar sem aðgangur að tíðnirófi fyrir þráðlausar sendingar er lykilorð til viðskiptaþróun og starfsemi er varðar almenna hagsmuni er einnig nauðsynlegt að tryggja að kröfur bandalagsins, að því er varðar tíðniróf fyrir þráðlausar sendingar, endurspeglit í alþjóðlegri skipulagningu þess.
- 18) Framkvæmd stefnu bandalagsins kann að krefjast samræmingar á notkun tíðnirófs fyrir þráðlausar sendingar, einkum með tilliti til þess að veita fjarskiptaþjónustu, þ.m.t. reiknaðstöðu alls staðar í bandalaginu. Enn fremur fela ákveðnar tegundir notkunar á tíðnirófi fyrir þráðlausar sendingar í sér landfræðilega útbreiðslu sem nær út fyrir landamæri aðildarríkis og gerir kleift að veita þjónustu yfir landamæri þannig að fólk þurfi ekki að færa sig um set, svo sem fjarskiptaþjónustu um gervitugl. Bandalagið ætti því að eiga fulltrúa sem kemur með fullnægjandi hætti að starfsemi allra viðeigandi alþjóðasamtaka og ráðstefnum sem tengjast málefnum varðandi tíðniróf fyrir þráðlausar sendingar, svo sem innan Alþjóðafjarskiptasambandsins (ITU) og á heimsráðstefnum þess um þráðlaus fjarskipti (WRC).
- 19) Fyrirliggjandi aðferðir við undirbúning og samninga- viðræður fyrir heimsráðstefnur Alþjóðafjarskipta- sambandsins um þráðlaus fjarskipti hafa gefið mjög

<sup>(1)</sup> Stj.útd. EB L, 108, 24.4.2002, bls. 33.

<sup>(2)</sup> Stj.útd. EB L, 108, 24.4.2002, bls. 21.

<sup>(3)</sup> Stj.útd. EB L 24, 30.1.1998, bls. 1.

<sup>(4)</sup> Stj.útd. EB L 20, 26.1.1996, bls. 59.

<sup>(5)</sup> Stj.útd. EB L 91, 7.4.1999, bls. 10.

<sup>(6)</sup> Stj.útd. EB L 204, 21.7.1998, bls. 37. Tilskipuninni var breytt með tilskipun 98/48/EB (Stj.útd. EB L 217, 5.8.1998, bls. 18).

góða raun vegna góðs samstarfsvilja innan Samtaka póst- og símastjórna í Evrópu og tekið hefur verið tillit til hagsmuna bandalagsins við undirbúninginn. Í alþjóðlegum samningaviðræðum ber aðildarríkjunum og bandalaginu að þróa sameiginlegar aðgerðir og eiga nána samvinnu á meðan á öllu samningaviðræðuferlinu stendur til þess að tryggja einsleitna málfutning bandalagsins á alþjóðavettvangi í samræmi við málsmeðferðina sem var samþykkt í niðurstöðum ráðsins frá 3. febrúar 1992 fyrir alþjóðaráðstefnuna um stjórnun þráðlausra fjarskipta eins og staðfest var með niðurstöðum ráðsins frá 22. september 1997 og 2. maí 2000. Að því er slíkar alþjóðlegar samningaviðræður varðar skal framkvæmdastjórnin tilkynna Evrópuþinginu og ráðinu hvort þær hafi áhrif á stefnu bandalagsins með það fyrir augum að fá stuðning ráðsins að því er varðar þau markmið sem uppfylla skal með stefnu bandalagsins og afstöðu aðildarríkjanna á alþjóðlegum vettvangi. Í því skyni að tryggja að slík afstaða taki einnig með viðeigandi hætti til tækniþáttarins við stjórnun tíðnirófs fyrir þráðlausar sendingar er framkvæmdastjórninni heimilt að fela Samtökum póst- og símastjórna í Evrópu verkefni í þessu skyni. Aðildarríkin skulu láta sameiginlega yfirlýsingu fylgja hverju staðfestingarskjali fyrir hvers kyns samningi eða reglugerð á alþjóðavettvangi sem er um eða varðar stjórnun á tíðnirófi fyrir þráðlausar sendingar þar sem fram kemur að þau muni beita slíkum samningi eða reglugerð í samræmi við skyldur sínar samkvæmt sáttmálanum.

- 20) Auk alþjóðlegra samningaviðræðna, sem fjalla sérstaklega um tíðniróf fyrir þráðlausar sendingar, eru til aðrir alþjóðlegir samningar sem bandalagið og þriðju lönd gera sem geta haft áhrif á notkun tíðnibanda fyrir þráðlausar sendingar og áætlanir um samnýtingu og sem kunna að fjalla um málefni eins og viðskipti og aðgang að markaðnum, þ.m.t. innan ramma Alþjóðaviðskiptastofnunarinnar, frjálsan flutning og notkun búnaðar, fjarskiptakerfi sem hafa svæðisbundna eða hnattræna útbreiðslu, svo sem gervitungl, öryggis- og neyðarstarfsemi, flutningakerfi, útvarpstækni og notkun við rannsóknir, svo sem útvarpsstjórnfræði og jarðarathuganir. Því er mikilvægt að tryggja að tilhögun samningaviðræðna bandalagsins um viðskipti og aðgang að markaðnum og markmiðin með þeirri stefnu varðandi tíðniróf fyrir þráðlausar sendingar, sem stefna skal að samkvæmt þessari ákvörðun, séu samhæfð.
- 21) Þar sem mögulegt er að upplýsingar, sem innlend yfirvöld kunna að fá í hendur vegna aðgerða þeirra er lúta að stefnumörkun og stjórnun tíðnirófs fyrir þráðlausar sendingar, séu viðkvæmar í viðskiptalegu tilliti er nauðsynlegt að þau beiti sameiginlegum meginreglum um þagnarskyldu sem mælt er fyrir um í þessari ákvörðun.
- 22) Þar sem aðildarríkin geta ekki fyllilega náð markmiði fyrirhugaðra aðgerða, þ.e. sameiginlegum ramma fyrir stefnu varðandi tíðniróf fyrir þráðlausar sendingar, og sem vegna þess hve aðgerðirnar eru umfangsmiklar og hafa mikil áhrif, þeim verður betur náð á vettvangi bandalagsins er bandalaginu heimilt að samþykkja ráðstafanir í samræmi við dreifræðisregluna eins og

fram kemur í 5. gr. sáttmálans. Í samræmi við meðalhöfsregluna, eins og hún er sett fram í þeirri grein, ganga ákvæði þessarar ákvörðunar ekki lengra en nauðsynlegt er til að ná þessu markmiði.

- 23) Aðildarríkin skulu hrinda þessum sameiginlega ramma um stefnu varðandi tíðniróf fyrir þráðlausar sendingar í framkvæmd, einkum með tilliti innlendra yfirvalda, og veita framkvæmdastjórninni viðeigandi upplýsingar sem nauðsynlegar eru til að meta hvort hún sé framkvæmd með réttum hætti í gervöllu bandalaginu með tilliti til alþjóðlegra viðskiptaskuldbindinga bandalagsins og aðildarríkja þess.
- 24) Ákvarðanir nr. 710/97/EB og nr. 128/1999/EB gilda áfram.
- 25) Framkvæmdastjórnin skal árlega gefa Evrópuþinginu og ráðinu skýrslu um árangurinn sem næst með þessari ákvörðun sem og aðgerðir sem fyrirhugaðar eru. Þetta getur, ef við á, gert Evrópuþinginu og ráðinu kleift að láta í ljós pólitískan stuðning sinn.

SAMÞYKKT ÁKVÖRDUN ÞESSA:

*1. gr.*

### Markmið og gildissvið

1. Markmiðið með þessari ákvörðun er að koma á stefnu og lagaramma innan bandalagsins í því skyni að tryggja samræmdar leiðir við stefnumótun og, eftir því sem við á, samhæfð skilyrði með tilliti til aðgengis og skilvirkrar notkunar á tíðnirófi fyrir þráðlausar sendingar en það er nauðsynlegt til að koma á innri markaði og fyrir starfsemi hans á sviðum sem stefna bandalagsins tekur til, svo sem rafrænna fjarskipta, flutninga og rannsókna og þróunar.
2. Til að ná þessu markmiði er í þessari ákvörðun komið á fót málsmeðferð í því skyni að:
- a) auðvelda stefnumótun með tilliti til stefnumarkandi skipulagningar og samhæfingar á notkun tíðnirófs fyrir þráðlausar sendingar í bandalaginu, m.a. með tilliti til þátta, er varða efnahag, öryggi, heilbrigði, almenna hagsmuni, tjáningarfrelsi, og til menningarlegra, vísindalegra, félagslegra og tæknilegra þátta í stefnu bandalagsins sem og ólíkra hagsmuna notendahópa tíðnirófs fyrir þráðlausar sendingar með það að markmiði að finna bestu notkun tíðnirófs fyrir þráðlausar sendingar og koma í veg fyrir skaðlegar truflanir;
- b) tryggja skilvirka framkvæmd stefnu varðandi tíðniróf fyrir þráðlausar sendingar í bandalaginu og einkum að koma á fót almennri aðferðafræði til að tryggja

samhæfð skilyrði að því er varðar aðgengi og skilvirka notkun tíðnirófs fyrir þráðlausar sendingar;

4. gr.

c) tryggja að upplýsingar um skiptingu, aðgengi og notkun tíðnirófs fyrir þráðlausar sendingar í bandalaginu séu lagðar fram á samræmdan hátt og í tæka tíð;

d) tryggja skilvirka samræmingu á hagsmunum bandalagsins í alþjóðlegum samningaviðræðum þar sem notkun tíðnirófs fyrir þráðlausar sendingar hefur áhrif á stefnu bandalagsins.

3. Í starfsemi sem stunduð er samkvæmt þessari ákvörðun skal taka tilhlýðilegt tillit til starfs alþjóðasamtaka í tengslum við stjórnun á tíðnirófi fyrir þráðlausar sendingar, t.d. AlþjóðafjarSKIPTASAMBANDSINS og Samtaka póst- og símastjórna í Evrópu.

4. Ákvörðun þessi hefur hvorki áhrif á ráðstafanir, sem gerðar eru á vettvangi bandalagsins eða á innlendum vettvangi í samræmi við lög bandalagsins til að ná fram markmiðum er varða almenna hagsmuni, einkum að því er varðar eftirlit með efni og stefnu varðandi hljóð- og myndmiðla, ákvæði tilskipunar 1999/5/EB né rétt aðildarríkja til að skipuleggja og nota tíðniróf sitt fyrir þráðlausar sendingar í þágu allsherjarreglu og almannaöryggis og til varnarmála.

2. gr.

### Skilgreining

Í þessari ákvörðun felur „tíðniróf fyrir þráðlausar sendingar“ í sér hátíðnibylgjur á tíðnum frá 9 kHz til 3000 GHz. Hátíðnibylgjur eru rafsegulblylgjur sem breiðast út í geimnum án tilbúins leiðara.

3. gr.

### Nefndarmeðferð

1. Framkvæmdastjórnin skal njóta aðstoðar nefndar („nefndarinnar um tíðniróf fyrir þráðlausar sendingar“).

2. Ef vísað er til þessarar málsgreinar gilda 3. og 7. gr. ákvörðunar 1999/468/EB, að teknu tilliti til ákvæða 8. gr.

3. Ef vísað er til þessarar málsgreinar gilda 5. og 7. gr. ákvörðunar 1999/468/EB, að teknu tilliti til ákvæða 8. gr.

Tímabilið, sem kveðið er á um í 6. mgr. 5. gr. ákvörðunar 1999/468/EB, skal vera þrjú mánuðir.

4. Nefndin setur sér starfsreglur.

### Starfssvið nefndar um tíðniróf fyrir þráðlausar sendingar

1. Í því skyni að uppfylla markmiðið, sem sett er í 1. gr., skal framkvæmdastjórnin, í samræmi við málsmeðferðina sem sett er í þessari grein, leggja fyrir nefndina um tíðniróf fyrir þráðlausar sendingar, viðeigandi tæknilegar framkvæmdarráðstafanir með það í huga að tryggja samhæfð skilyrði vegna aðgengis og skilvirkar notkunar tíðnirófs fyrir þráðlausar sendingar, sem og aðgengi að upplýsingum er varða notkun tíðnirófs fyrir þráðlausar sendingar eins og um getur í 5. gr.

2. Framkvæmdastjórnin skal fela Samtökum póst- og símastjórna í Evrópu að þróa þær tæknilegu framkvæmdarráðstafanir, sem um getur í 1. mgr. og heyra undir verksvið Samtaka póst- og símastjórna í Evrópu, svo sem samhæfingu skiptingar tíðnirófs fyrir þráðlausar sendingar og aðgengi upplýsinga og veita þeim starfsumboð þar sem gerð er grein fyrir verkefnum sem vinna skal og tímaáætlun þar að lútandi. Framkvæmdastjórnin skal fylgja málsmeðferðinni sem um getur í 2. mgr. 3. gr.

3. Á grundvelli þeirrar vinnu, sem unnin hefur verið skv. 2. mgr., skal framkvæmdastjórnin ákveða hvort niðurstöður þeirrar vinnu, sem unnin er samkvæmt starfsumboðunum, skuli gilda innan bandalagsins og ákveða tímann sem aðildarríkin hafa til að hrinda þeim í framkvæmd. Birta skal þessar ákvarðanir í *Stjórnartíðindum Evrópubandalaganna*. Að því er þessa málsgrein varðar skal framkvæmdastjórnin fylgja málsmeðferðinni sem um getur í 3. mgr. 3. gr.

4. Ef framkvæmdastjórnin eða aðildarríki telur að vinna, sem unnin er á grundvelli starfsumboðs sem veitt er skv. 2. mgr., gangi ekki nógu vel með tilliti til tímaáætlunarinnar, eða ef niðurstöður verkefnisins eru ekki viðunandi, er framkvæmdastjórninni heimilt, þrátt fyrir 3. mgr., að samþykkja, í samræmi við málsmeðferðina sem um getur í 3. mgr. 3. gr., ráðstafanir til að ná fram markmiðum umboðsins.

5. Ráðstafanirnar, sem um getur í 3. og 4. mgr., geta, eftir því sem við á, veitt möguleika á bráðabirgðatímabilum og/eða tilhögun við samnýtingu tíðnirófs fyrir þráðlausar sendingar sem framkvæmdastjórnin skal samþykkja í rökstuddum tilvikum með tilliti til sérstakra aðstæðna í aðildarríkinu á grundvelli rökstuddrar beiðni af hálfu hlutaðeigandi aðildarríkis og að því tilskildu að slík undanþága leiði ekki til óréttmætrar frestunar framkvæmdar eða skapi óréttmætan mun á samkeppnis- eða réttarstöðu á milli aðildarríkja.

6. Til að ná fram því markmiði, sem sett er í 1. gr., er framkvæmdastjórninni einnig heimilt að samþykkja tæknilegar framkvæmdarráðstafanir sem um getur í 1. mgr., sem 2. mgr. tekur ekki til, í samræmi við málsmeðferðina sem um getur í 3. mgr. 3. gr.

7. Með það í huga að bæta framsetningu, undirbúning og framkvæmd á stefnu bandalagsins varðandi tíðniróf fyrir þráðlausar sendingar og með fyrirvara um málsmeðferð, sem sett er fram í þessari grein, skal framkvæmdastjórnin hafa reglulegt samráð við nefndina um tíðniróf fyrir þráðlausar sendingar um málefni sem fjallað er um í 1. gr.

5. gr.

#### Aðgengi upplýsinga

Aðildarríki skulu tryggja að innlent skipulag tíðni fyrir þráðlausar sendingar og upplýsingar um réttindi, skilyrði, málsmeðferð, gjöld og þóknunir, að því er varðar notkun á tíðnirófi fyrir þráðlausar sendingar, skuli birtar, ef við á, í því skyni að uppfylla markmiðið sem sett er í 1. gr. Þau skulu halda þessum upplýsingum uppfærðum og gera ráðstafanir til að þróa viðeigandi gagnagrunna í því skyni að koma þessum upplýsingum á framfæri við almenning, þegar við á, í samræmi við viðeigandi ráðstafanir til samhæfingar sem gerðar eru skv. 4. gr.

6. gr.

#### Tengsl við þriðju lönd og alþjóðasamtök

1. Framkvæmdastjórnin skal fylgjast með þróun, að því er varðar tíðniróf fyrir þráðlausar sendingar, í þriðju löndum og hjá alþjóðasamtökum sem kunna að hafa áhrif á framkvæmd þessarar ákvörðunar.

2. Aðildarríkin skulu gera framkvæmdastjórninni grein fyrir hvers kyns erfðleikum, að lögum eða í reynd, sem þriðju lönd eða alþjóðlegar stofnanir valda við framkvæmd þessarar ákvörðunar.

3. Framkvæmdastjórnin skal reglulega gefa Evrópuþinginu og ráðinu skýrslu um niðurstöður af beitingu 1. og 2. mgr. og getur gert tillögur um ráðstafanir með það að markmiði að tryggja framkvæmd meginreglna og markmiða þessarar ákvörðunar eftir því sem við á. Ef það er nauðsynlegt til að ná því markmiði sem sett er í 1. gr. skal samþykkja sameiginleg stefnumarkmið til að tryggja bandalags-samræmi milli aðildarríkja.

4. Ráðstafanir, sem gerðar eru samkvæmt þessari grein, skulu ekki hafa áhrif á réttindi og skyldur bandalagsins og aðildarríkjanna samkvæmt þeim alþjóðasamningum sem við eiga.

7. gr.

#### Tilkynning

Aðildarríkin skulu láta framkvæmdastjórninni í té allar upplýsingar sem nauðsynlegar eru til að sannprófa framkvæmd þessarar ákvörðunar. Einkum skulu aðildarríkin tilkynna framkvæmdastjórninni tafarlaust um framkvæmd á niðurstöðum verkefnanna skv. 3. mgr. 4. gr.

8. gr.

#### Þagnarskylda

1. Aðildarríkin skulu ekki láta í té upplýsingar, sem falla undir skuldbindingar um viðskiptaleynd, einkum þegar um er að ræða upplýsingar um fyrirtæki, viðskiptasambönd þeirra eða kostnaðarliði.

2. Ákvæði 1. mgr. hafa ekki áhrif á rétt viðkomandi yfirvalda til að veita upplýsingar þegar það er nauðsynlegt til að þau geti gegnt skyldum sínum, en í slíkum tilvikum skal einungis veita nauðsynlegar upplýsingar og taka tillit til réttmætra hagsmuna fyrirtækja af því að varðveita viðskiptaleyndarmál sín.

3. Ákvæði 1. mgr. koma ekki í veg fyrir að birtar séu upplýsingar sem tengjast veitingu réttar til að nota tíðniróf fyrir þráðlausar sendingar ef þær fela ekki í sér neinar upplýsingar sem falla undir viðskiptaleynd.

9. gr.

#### Skýrsla

Framkvæmdastjórnin skal árlega gefa Evrópuþinginu og ráðinu skýrslu um starfsemina, sem þróuð hefur verið, og ráðstafanirnar sem samþykktar hafa verið samkvæmt þessari ákvörðun, sem og aðgerðir sem fyrirhugaðar eru samkvæmt þessari ákvörðun.

10. gr.

#### Framkvæmd

Aðildarríkin skulu samþykkja lög og stjórnsýslufyrirmæli til að fara að ákvörðun þessari og öllum ráðstöfunum sem af henni leiða.

11. gr.

#### Gildistaka

Ákvörðun þessi öðlast gildi á þeim degi sem hún birtist í *Stjórnartíðindum Evrópubandalaganna*.

12. gr.

#### Viðtakendur

Ákvörðun þessari er beint til aðildarríkjanna.

Gjört í Brussel 7. mars 2002.

*Fyrir hönd Evrópuþingsins,*

P. COX

*forseti.*

*Fyrir hönd ráðsins,*

J. C. APARICIO

*forseti.*